

¡BOMBA!

Buscando perpetuidad,
con buen sustento legal,
Alito en INE halló cal:
le faltó legalidad



K'uintsil

Martes 23 de julio de 2024

CAMPECHE · YUCATÁN · QUINTANA ROO · AÑO 10 · NÚMERO 2282 · www.lajornadamaya.mx

U ja'abil 2024e' k'a'anan ti'al u jéets'el wa sidae' láayli' sajbe'entsil ti'al wíinik: ONUSIDA



Ba'axo'ob kun jets'bil tumen políitikos te'el ja'aba' jach k'a'anan ti'al u béeytal u jáawsa'al Sida beey jump'éel ba'ax sajbe'entsil ti'al u toj óolal kaaj tu ja'abil 2030, beey úuchik u ya'alal le lunes máanika' tumen u mola'ayil Organización de Naciones Unidas tu jaats meyajil kaxtik ka'aj xu'uluk le k'oja'anila'.

U xookil jaytúul máax ti' jtsa'ay sida ichil tuláakal yóok'ol kaab tu ja'abil 2023e'

tu chiikbesajo'ob chan ma'alobchajij, beyxan le bix k'a'amik u tráatamientoil máaxo'ob jatsa'antak beey seropositivos, ts'o'oke' éem xan jaytúul máak jkiim tu yóok'ólal, ba'ale' ONUSIDAE' tu k'a'ajqsaj xane', pak'be'en k'oja'ane' ts'o'ok u kiinsik maanal 42 miyoonesil máako'ob, ts'o'oke' láayli' u bin u yantal u jeelo'ob.

Tu ja'abil 2023e', jump'íit meenos ti' 40 miyoonesil máako'obe' kuxa'ano'ob

yéetel u biirusil tsa'aysik sida, VIH, beey úuchik u ts'a'abal k'ajóoltbil ichil tsoolmeyaj suuk u beeta'al ja'ab man ja'ab tumen le mola'ayilo'.

Le ja'ab máaniko', yanchaj kex 1.3 miyoonesil túumben máaxo'ob jpa'ak' ti'ob le k'oja'anila', 100 mil meenos ti' le yanchaj tu ja'abil 2022, lelo' ku beetik u tukulta'ale' chan éem le jaytúul máak xoka'an ku tsa'ayal ti', tumen tu ja'abil 1955e' jnáak 3.3 miyoonesil.

Ba'ale' ONUSIDAE' ma' ki'imk u yóol yéetel le je'elo' tumen tukulta'ane' ti'al u ja'abil 2025e' ma' unaj u chukik maanal 330 mil máaxo'ob ti' paak'al le biiruso', ba'ale' tun yila'ale' miin ma' tun bin béeytal.

Tu ja'abil 2023e', Sidae' tu kiinsaj 630 mil máako'ob, tu táan le 670 mil yanchaj tu ja'abil 2022. Le je'elo', 69 por siientoil meenos ti' le yanchaj 2004o', u jach k'a'as ja'abil le pak'be'en k'oja'anilo'.